

鼓棹初集

鼓棹二集

瀟湘怨詞

鼓棹初集

船山遺書六

衡陽王夫之譔

船山鼓棹

初集

十六字令

落花影

落花影欵欵映春江終相就貼水不成雙

又 前題

落花影風颭小橋西掠素袷疑是染香泥

搗練子

晚春

雲似夢雨如塵花淚紅傾柳黛嚬也算人間春一度明年莫更不還人

如夢令 本意

花影紅搖簾縫苔影綠浮波動風雨霎時生寒透碧紗煙  
重如夢如夢祇殺春光調弄

又 前題

如夢花畱春住還夢春隨花去一片惜春心付與游絲飛  
絮無據無據不覺夢歸何處

長相思 本意

寶刀分寶釵分繡帶分開墜畫裙餘香猶自溫 錦鴛羣  
野鴛羣三十六雙認得真旁人莫漫嗔

又 前題

不思量也思量密語何曾得話長驚鴻夜渡湘 眞成雙  
假成雙儂似蓮心苦惹藏憐他菡萏香

點絳脣 牡丹

春未分明靚面始知韶日曉朱凝粉裊費盡春多少 人  
在綠窗豔影朦朧遶碧天杳瑞雲回合錦襯空青表

又 前題

不道人閒消得濃華如許色有情無力殢著人相識 閱  
盡興亡冷淚花前滴眞傾國沈香亭北此恨何時釋

又 月桂

蟾館飛英隨他月在秋長在凍雲如黛幻出香嚴界 曾

訂青娥有誓深如海春光改清芳縹緲還與山礬賽

山礬

一名春桂

又 碧桃

碧海凝霜問誰喚作春光住綠烟輕處月染幽香聚  
縹緲雲魂舊厭霓裳舞天台路山空月冷不管劉郎誤

又 矮桃

絳頰盈盈牆頭怕惹遊人顧幽情誰訴芳草萋萋處  
燕眼偷窺早倩綠雲護勤囑付低飛蛺蝶莫惹香泥污

女冠子

賣薑詞。余舊題茅堂曰薑齋此更稱賣薑翁非已能羨聊以補人之不足爾戲爲之詞

且賣且歌之

賣薑來也誰是能酬價者不須慳老去絲尤密酸來心愈  
丹垂涎休自悶有淚也須彈最療人閒病乍炎寒

又  
慈竹

蕭疎不可簇簇綠烟深鎖一枝枝乳鳳梳翎細游鱗蛻甲  
遲天高難借問風橫怕相欺且自團團住要誰知

浣溪沙  
山行

曲曲屏山翠幙垂啼禽不揀淺深枝逗人斜轉竹林西  
綠玉竿柔愁露濕翠烟葉密耐風欺溪光一半染玻璃

又  
過熊男公夜話

炊稻烟闌煮笋香溪流紫岫半斜陽閒宵不覺翦燈長

魚計向春元得水  
蜨魂入夢不驚霜  
無勞濠上訊蒙莊

又  
卽景

幸草猶餘幾段殘  
燒痕斜插野雞斑  
灰堆無數米家山  
雙眼瞢騰疑夢覺  
一天晴雨兩闌珊  
不愁也索帶愁看

又  
望歸雁

病眼遙天認不真  
一雙雙影未全分  
空花搖曳亂春雲  
香篆欲消拖蠶尾  
平波初皺起魚鱗  
烏絲闌染素箋紋

霜天曉角  
懷舊

平湖春水日落扁舟  
艤話到傷心深處  
雙淚落青樽裡  
天不畱愁緒  
拚遣愁人死  
剛有一絲春怨  
又花落鵲聲止

菩薩蠻 早春

梅花綻錦催寒去  
霜花鋪粉留寒住  
去住兩悽然  
衰翁惜  
歲年  
燒根紅茁草已報春生  
早莫惹曉鶯啼啼時花亂飛

添字昭君怨 秋懷

誰染千山烏相欺殺一株衰柳微霜何似鏡中霜  
萬絲長  
蠟屐從今幾雨冰級當年屢上夜闌星漢耿清空  
挂殘虹

又 春懷

茸草偏生南浦桃葉半遮芳樹東風何用苦相催  
緩緩來



剛倩柳絲黏住又被落紅勾去  
麟洲聞有返魂香海天長

減字木蘭花 冬盡

烟籠殘月遮屋五更霜似雪  
小愛東窗逗漏玻璃數點黃  
梅風疎緩凍蟬乍蘇幽砌暖  
生怕春生生雨生風困早鶯

減字木蘭花 春怨

落花飛絮只有閒愁吹不去  
雨雨風風消受殘春一夢中  
蒼烟碧靄一望迷離天似海  
燕燕鶯鶯儘說離愁話不成

憶秦娥 燈花

心未冷娟娟還弄斜陽影斜陽影半點紅輕一天烟暝

殘香猶裊金猊鼎淚痕微映鴛鴦枕鴛鴦枕如何落去孤

衾難整從不作豔詞以燈花止載得底語妄人說理可憎

又 前題

殘膏少零紅難待春宵曉春宵曉灰飛無迹更誰弄巧

朦朧睡眼微縈繞疑無疑有幽光小幽光小破鏡寒輝死

螢殘照浮屠作螢花詩其自謂妙悟之供狀也以此爲爰書

清平樂 咏螢

夕風乍定冉冉穿芳徑曲沼欲尋鴛侶竝卻是伶俜孤影

詞林典故  
五  
來回柳岸苔陰  
不知露冷更深幾點殘星未落一彎斜  
月初沈

又嫩柳

霏霏屑屑略上些  
兒色斂盡翠眉剛半纈應是春光不徹  
未妨雨細寒輕  
綠波淺映盈盈更着一分螺黛和烟綰  
住流鶯

西江月  
俗譚

到處凍膿絡索逢  
人歌問譟謔無多弊  
撥總酸餒罨得英  
雄漚滄  
偏僮幾  
分卽溜郎當一味  
斲齣碎筍浪裏圀圖  
遊誰受蒨干僂僂

吹虎可切開火雅切  
譟謔讀如連婁弊  
撥莊子註音  
撒今祁陽人呼零星物

事爲八散應卽此字源去聲澆音梅伯  
僅或作杏蠟南干或音作繡衍干音繡

南鄉子 留別家兄

老去別堪驚日暮長亭亦短亭  
鏡裏朱顏唯夢裏惺惺刺  
柏堂前一字行此去更無憑  
藥餌誰扶瘦骨輕望斷嶽

阡魂縹緲伶俜萬疊烟波兩葉萍

鷓鴣天 劉思肯畫史爲余寫小像雖不盡肖聊爲題之

把鏡相看認不來問人云此是薑齋龜於朽後隨人卜夢

未圓時莫浪猜誰筆仗此形骸閒愁輸汝兩眉開鉛華

未落君還在我自從天乞活埋 觀生居舊題壁云六經責我開生面七尺從天乞活

埋

又

藤蓑詞。藤蓑自沙隱服

籊籊江門舊釣竿  
如今落手儘清閒  
鱗鱗三六雙雙鯉  
歷歷千重疊疊山  
斜月落曉霜殘  
藤蓑耐得一江寒  
櫂頭信水亭亭去  
鯨浪驚雷午夢安

又

前題

拾得藤蓑挂破船  
蘆汀柳岸雨悠然  
瞳眬海日生殘夜  
爛漫江春入舊年  
霞散綺飛烟  
儂家何處不青天  
星辰濫摘從人買  
只索苔陰數顆錢

又

前題

不唱江門舊棹歌  
人閒今古有藤蓑  
況逢木落天空後  
奈

此風清月白何 穿衰柳度殘荷一行白鳥掠清波孤吹  
鐵笛騰騰去驚落殘花罨女蘿

又

前題

雲自垂垂水自流藤蓑晴曬釣魚舟  
蓼花雙映迎紅粟鷺影斜拖顫玉鈎  
從闌緩儘樓搜丹楓葉落不關愁閒愁  
只爲多愁客鏡裏狂尋頭上頭

又

前題

藤蓑別樣有新裁不打江門舊譜來  
自憐艇子容雙槳不羨鱸魚有四腮  
帆已挂柁頻開掀濤拍岸且徘徊涪翁  
漫道風波險似此風波亦快哉

虞美人

落花

柳風催送橫天雨自是難畱住更無消息教人知不解一  
宵驚去定因誰 香膏釀出紅芳密費盡東風力到來無  
緒戀東風爲愛半溪流水暝溶溶

臨江仙

山礬。○場花也一名春桂。或云唐昌玉蕊卽此。

本是玉場天上種幾時還駐雲  
蜚檀心粉頰兩盈盈香迷  
雙嫩蜨熏惱一林鶯 手折一枝相借問何如蟾闕秋清  
東君着意更殷勤朦朧烟月暝貽宕柳風輕

蜨戀花

早秋

落日青空分燕尾一片殘雲猶作孤峰紫翦翦白蘋風歛

起藕花露滴清波裏 爲問貼天雙燕子底事能忘辛苦  
春前壘回首垂楊無限意無情也應悲秋死

又 春景

薄日蒸雲光影碎白靄濛濛罩住春山睡一樹梨花輕霧裏  
玉山斜倚冰綃醉 半吐山礬香孕蕊小步尋春好了  
鶯花事莫待楝花花信至子規難挽東流水

醉春風 遣病

未了游絲債莫被浮雲礙雞聲歷歷曙光微在在在月挂  
西樓風輕柳岸虹垂天外 但遣愁城壞不怨霜荷敗情  
知臘盡雪須消耐耐耐未必他生還如今日長年禁害



青玉案

憶舊

桃花春水湘江渡縱一艇迢迢去落日頰光搖遠浦風中  
飛絮雲邊歸雁盡指天涯路故人知我年華暮唱徹灞  
陵回首句花落風狂春不住如今更老佳期逾杳誰倩啼  
鵑訴

江城子

咏雪

依依欲待入簾櫳怕回風怨回風一霎驚飛吹過小橋東  
梅信未來楓葉盡誰欸欸與從容前溪流水忒匆匆拚  
孤蹤碧波溶冷淡魂消舊恨有無中不似柳綿歸計晚人  
只解惜殘紅

又 咏雪

驚風淅淅漸無聲  
恰恰早盈盈  
促拍悲絲轉  
入鳳笙清  
喚醒梅花月下夢  
看咫尺有瑤京  
人閒何用久  
畱情曉風輕  
曉烟晴  
流水斜陽莫惜  
玉山傾  
解釋消沈千種恨  
明鏡裏鬢絲橫

祝英臺近 初夏

碧莎蹊  
菖葉渡寂寞  
尋芳處  
梅雨無憑更把殘紅誤  
清池幾片荷錢浮萍相亂  
畱不住  
淚珠如雨  
空凝佇  
柳枝低  
顰夕陽猶作舊時舞也  
自無聊  
怕惹香泥污  
問雙飛乳燕  
何心閒情閒緒  
向枝上嬌憨對語

滿江紅 初夏

霞映晴空驚曉夢餘寒消盡日影轉綠陰疊疊碎痕紅印  
燕子歸來愁不語柳塘越徑都相認儘從今長日小樓空  
無人問浮萍葉魚難信商陸子鵲猶恨怕黃梅雨泥溼  
烟還因記得年時游冶處輕衫碧映荷錢嫩奈柳絲閒挂  
葛巾斜窺霜鬢

又 新月

遠碧無涯但約略清光瑩澈凝望處誰勻鬆玉斜分雲葉  
幽魄可憐涼似水一絲淺漾冰紋纈問青天何事送新愁  
從誰說棲不穩驚禽咽風不定波光疊照南枝高處素

痕明滅認得遙山青不了半峰微露我眉雪便迢迢飛夢  
人層霄還孤怯

又憶舊

鐙影蕭疎身還在爲誰消受拚盡了月下吹笙花前縱酒  
寂寂仲華今已老太阿知我還知否向中宵寒鐵歎清光  
雌龍吼骨已白黃泉友魂已杳黃頭婦便長吟梁父溪  
山半舊飛盡棟花天不管韶華難得春風又聽啼鴉啼徹  
五更心樓衰柳

滿庭芳

重九

蘆展霜英蓼開紅粟三分秋在堪憐芙蓉木末午壓絳痕

鮮似欲將人共醉何須問誰健他年吹不去當頭皂帽直  
上有青天飛仙曾授我汝南真訣壺裏清元已住雲山  
絕頂芸盡芝田何處更尋高巘累芒屨竹杖橫肩凝眸處  
齊州數點萬里罩平烟

水調歌頭

咏懷

釣竿落吾手意不在魚邊六鰲何處一艇縹渺凌孤烟耐  
可乘流直上不避回風吹轉蹴破浪花圓一曲棹歌裏星  
斗落帆前白蘋洲芳草渡扣哀絃落花細數坐久目送  
苕絲牽出入無腸國裏爛漫無愁天上鼎鼎度華年唯有  
千絲雪鏡裏自相憐

黃鶯兒 苦雨

昏昏曉忘春曙幾尺幽窗半掩蒼苔一抹青山平鋪飛絮似酒醒乍扶頭鐙炮難畱炷沈沈天海濛濛早把韶光暗裏消去  
拚與白鳥盪銀波清猿隱高樹芭蕉幾葉莫有綠肥輕寒依然勒住想流水小橋東密篠濃陰處應有怨老鶯聲細把閒愁訴

高陽臺

蛛絲落葉

拚卻無情更誰厮惹西風簷角蕭蕭畱看人間斜陽一晌光搖蘋花應笑歸期誤又爭知孤緒無聊被殢人輕蜨慙慙片影相撩  
天涯一夢迢迢任露侵衰草月冷危橋便

隨塵土離魂不倩人招前時難憶藏鴟處有歸飛孤鴈低  
邀望誰爲并刀一翦翦斷情苗

念奴嬌

咏蝶

流鶯啼徧喚不醒芍藥叢中雙蝶待把紅香畱住穩無待  
雨狂風劣流水浮萍垂楊飛絮都是閒枝節殷勤爲甚飄  
零了不孤怯縱好繡帶雲裳來回弄影蕩芳情一捻日  
暮簾垂歸燕語池上晚風獵獵渺渺天涯歸魂何處便是  
烟花劫無人說與陽關夢裏三疊

又

對鏡

閒愁自昔到如今當得雪欺霜負雲亞天低擡不起隨意

白衣蒼狗劒躍雙龍筆搖五嶽也是閒筋斗蝶黏蛛網絲  
毫動得還否別有一線罪微輕絲杪忽繫蟠泥秋藕一  
恁敗荷凋葉盡自有玉香靈透眉下雙巖電光猶射獨運  
枯楊肘無情日月也須如此消受

水龍吟

蓮子

平湖渺渺波無際難認舊時青葢荻絮橫飛蓼紅斜趁秋  
光無賴拚不含愁韞香密裹泠泠珠佩伴江妃淚顆盈盈  
怕誰厮惱幽房裏深深綴十斛明珠誰買空望眼懸愁  
碧海露冷昆明霜凋玉井蘭舟罷採自抱冰魂海枯石爛  
千年不壞莫拋擲一點孤心苦畱得秋容在

本草石蓮子帶殼則千年



不壞卽此李時珍云藥肆別  
有一種石蓮子不知何物

又前題

白蘋紅蓼秋江岸早有蜻蜓斜睨鬚  
褪蜂黃乳含菽玉懶  
慳倦起乍歷金風誰知漸老蜜房深  
閉應只似天寶雞坊  
皂衣人在空記得霓裳事  
零零玉露含愁漫閣住淚珠難  
墜無情忍見蹴碎菱花啄殘菰米白  
惜殘香又逢劈破長  
離烟水問多情碧藕抽絲可得經時  
重繫

又余旣作蓮子詞二闕夢有投素札者披覽之云公  
之不棄予小子補爲酬詞良厚乃我本無愁而以公  
之愁爲我愁屈左徒之檢東皇雲中不爾也且公所  
咏者荻絮蓼花金風玉露皆余少年事假以公弱冠  
時文酒輕狂今日爲公道公其能不顧見於色乎敗  
荷秋藕吾已去之如簪白別有風味在公雖苦吟非

吾情也世人皆以我爲  
之幸甚曉起因更賦此不復以豔爲諱橫質公當爲豔語破

輕舫直上瀟湘五湖載取風光去蘭湯初浴絳羅輕解雞  
頭剝乳膩粉肌豐苞香乍破芳心暗吐待笑他石家蘋面  
楊家病齒雖天冶還含醋曾倩綠窗深護全不教香泥  
微污莫愁秋老儂家自有杏金丹駐唯應少府無妻空老  
長憐樊素願年年歲歲相期解佩蘋花洲渚

瑞鶴仙 壽李爲好

早覺秋清也是年華通閨露晶瑩也霏微香淺處知月中  
金粟遙飛英也雙星炯也良宵映人閒永也祝其人如玉  
頤頤姑射在瑤京也輕也鄴侯仙骨凌虛上御風冷也

夢鶴迥也何知蠟夢醒也笑向來蠻觸交爭何事冷看閒  
看定也儘海波千度桑田吾心靜也

春雲怨

春雨

一宵風雨將小窗曙色朦朧勒住驚起數聲啼鳥多在碧  
烟深重處肥綠欺人瘦紅欲盡流水無情向南浦紅藥多  
慙翠胎未吐還遺花期誤問春擬向何方去怕芳草天涯  
涯萋萋非故記得年時踏青路燕子重來夢裏樓高望迷  
烟樹桃葉難憑流鶯不管自綰柳絲低訴

喜遷鶯

元夕

龜紋雲展逗月影照人清  
善微幸春光等閒換卻銀海玉

山萬片不道殘梅香盡似惜柳條綠淺更念我一莖瘦骨  
風絲欲翦縹緲笑年年歲歲長伴韶華轉野燒烘朱疎  
星炫采一點山鐙光顫良夜人閒似此莫問瓊壺近遠癡  
來自笑衰翁受用東風消遣

歸朝懽

春晚

不道春光消不得風風雨雨落紅積餘芳一片尚嫣然倡  
條冶葉誰相識幽情還自惜向他時斷虹殘雨留取韶華  
迹游絲裊裊嬌無力難憑遠覓春消息也知春只在天  
涯杜鵑莫訴春歸急柳帶烟如織從容綰住東流疾任桃  
花路杳天台不道仙源隔

瀟湘逢故人慢

贈李簡尤初度簡尤方五  
十髭髯如雪已十餘年矣

瀟湘一曲記前時相念此地相逢掀髯一笑中問霜雪因  
甚早上青松多情自昔閱桑田滄海重重有吳市洞簫孤  
奏碧天吹裂晴空酌君酒爲君舞怕長沙袖短舉手難  
工把袂且從容但五絃揮罷目送歸鴻隨時梅酒又何有  
今古英雄鶯花在年年三月綠楊柔艸春風

尉遲杯

聞丹霞謝世遙爲一哭

離愁遠恨灘水不逐湘流轉蕭蕭寒雨天涯南鴈一聲驚  
斷閒悰無數都付與似水并刀翦忍今生死死死生總難  
片語分判追憶雲暗蒼梧也則是風光本色消遣裸戲

谷泉雷電裏莫更有耶孃生面今且向垂楊暮雨鵲啼處  
呪殘春一線想依然還我傷心歸舟天際相見

二郎神七夕

秋生處還只恐佳期無據俯杳杳人間幾點疎鐙亂流螢  
低度莫有多情應似我向蛛網含愁輕訴方信得經年此  
夕帶水橋成堪渡休誤荏苒凌波迢迢西浦費烏鵲高  
飛心力倦奈塵世荒雞催曙回首盈盈青女下似笑我淒  
涼庭戶算自有銀潢幾許年華玉顏非故

玉連環

迷蒙莊大旨答問者

生緣何在被無情造化推移萬態縱儘力難與分疏更有

何閒心爲之俦保百計思量且交付天風吹籟到鴻溝割  
後楚漢局終誰爲疆界 長空一絲烟靄任翩翩蜚翅冷  
冷花外笑萬歲頃刻成虛將鳩鶯鯤鵬隨機支配回首江  
南看爛漫春光如海向人閒到處逍遙滄桑不改

又前題

設中遊昇莫漫驚寵辱浪生規避原自有萬里清空可無  
影而藏不飛而至黑白兩端算都是龍泉輕試但塗中曳  
尾刃發新硎全牛皆廢 無涯有涯交累唯餌香藥作不  
黏滋味消彼此百種聰明向白日青天鼯鼯熟睡側足焦  
原弄獍虎不殊豚彘笑弈秋着着爭先居然鈍置

望湘人

歸鴈

到春生寒裏寒盡春邊惺惺還自分曉烟水無涯關河何處長是夢魂飛繞任不歸來也堪信宿柰他幽悄儘江南草長魚肥難把寸心灰了 歷盡墟烟晚照更天低月暗風淒雲窅脈脈自孤征冷颺垂楊棲鳥隨處生緣暫時畱戀只愛桃英嬌小問他日萬片秋聲誰領取江天鰲渺

風流子

自笑

老夫無藉處間今古更有幾人知把紅霞揉碎掇成火棗玉露團合釀就冰梨飽餐罷擎盞盛夜月添炭煮冰斲一招中天星隨指落還從殘臘花促春歸 秋風落葉裏捫



碧霄敲響玻璃大笑天翁白雀輸我偷騎金彈驚開幽窗  
啼鳥玉笙喚起茅店荒雞且殷勤屬望絕調鍾期

沁園春

梅花道人題骷髏圖瀟歸

嗤其鄙陋爲別作相遠反其意作四

閱正之

白日難欺青天不爽只此骷髏到排場戲畢盡停邊鼓熏  
鑪烟散卻剩香篝無想有天也須扣算放自當年到此收  
終不道泛秋波一葉隨處芳洲思量慙媿難酬曾頂戴  
春霖起白漚憶香蒸雲子從伊飽滿輕裁霞綺護汝溫柔  
莫倚無知瞞他有眼總付梧桐一片秋應認取者下回分  
解別有風流

又 前題

當汝無時原無消息逗此風光到雲生月吐旋相圓滿山  
支水派不爽鍼鉞桂斧誰修玉砂難碾琢就玲瓏七寶裝  
曾倩汝爲日輪炫紫寒夜凝霜 成功底事難量仍擲與  
乾坤自主張儘雪裏梅開憑誰蘊藉風中柳擺非汝輕狂  
百折如新一絲不亂烟草迷離總不妨珍重好教大鈞裁  
翦鶴短鳬長

又 前題

畢竟還他曉風殘月正好惺惺看太白占星顯開玉色黃  
鐘應律敲作金聲揖讓筵終征誅局罷渠不增加汝不輕

堪愛處爲元龜受灼枯槁皆靈  
西園片片落英也妝點  
東風媚晚晴任血洒虞兮原非戰罪腸回康了不礙文名  
萬石洪鐘一絲殘紐止此冰霜骨幾莖夫誰暇怨華亭鶴  
唳蜀道淋鈴

又  
前題

爲問蒙莊卮言枉弔笑爾何知既使我其然焉能免此如  
君之說抑又奚爲幸未凋零先爲飄蕩究竟魚還死水湄  
早辜負卻桃花春水楊柳秋隄欲拋拋付伊誰真避影  
銀鐙只浪吹便一枕蜨輕還黏粉翅三眠蠶穩仍惹繅絲  
去則難留留原難卻一線紋生玩月犀唯片晌耐板橋霜

迹茅店荒雞

摸魚兒

病後作

問還餘鶯花幾許容吾酬盡春  
債向來淡墨寫虛空也須  
添朱着黛真狡獪拈一片落英  
古廟香鑪荒村逐鼓社夥從新  
賽癡絕處瘦骨披襟滿  
灑倚闌目斷天外歸禽誰戢雙  
雙翼棲穩垂楊烟靄空慙  
媿歎熱血心肝摘出從人賣寸  
絲畱在便棠杜雲寒白楊  
風起不道餘香壞

又

自述

當年事也隨風起片帆一晌輕  
挂雲閒江樹霏微處早愛

青山如畫停橈也又卻有蘋花菰米香低亞難消良夜且  
月載金樞波分素練飽看銀河瀉入佳境茹檠居然啖  
蔗千金難酬春價娟娟蛺蝶花閒戲不怕黃鶯絮罵誰真  
假已早似光風霽月連牀話千蹊萬岔則堪信堪疑欲歌  
欲泣狂譜從人打

賀新郎

自題草堂

狼籍成衰老唯餘此數莖瘦骨隨風顛倒滿目江山無熟  
處一曲林巒新造何敢望松縈竹抱新綠半畦荒徑側怕  
萋萋仍是黏天草鏤頭在還須埽東牆幸有冰輪好到  
秋來暖雪生眉瓊漿灌腦人道森寒清徹髓也是龜毛蛇

爪總拚與寒灰冷  
龜萬頃烟嵐窗紙暗  
昏昏睡忘寅  
卯阿鼻獄蓬萊島

金明池

新柳

多幸烟和無妨風細  
裊裊自憐春軟嬌小甚  
鶯黃綻處但  
一葉兩葉初翦拚多情  
拖逗波光映岸側  
鏡影苔茸深淺  
總冉冉相依搖搖不定  
約約勻勻低轉  
不問花期今近  
遠只着意韶華殷勤  
欲綰忍微寒待鶯已久  
向落日藏鷗  
不慣定誰知無限柔情  
對殘月曉風翠眉難展  
只片晌停  
凝經時蕩漾獨自來回消遣

端龍吟

別恨

天涯遠凝望迢遞層陰夕陽一綫幾番拚不相思曾種情  
苗待誰割斷初相見也似輕薄楊花隨風飄轉無聊且付閒  
心燈下香前自尋幽願漫道天台桃徑重逢劉阮殘紅  
一片又隨流水飄零凋殘故苑盈盈脈脈烟鎖芙蓉嚬勞  
想像扇影低回佩聲繾綣夢裏啼鶯似把遊人喚又恐春  
期淺辜負卻翩翩畫梁雙燕此情誰訴一簾春晚

望江南

本意

江南憶鍾阜杳霏微佛子獻來金堵窳功臣長侍玉杲恩  
繚繞五雲飛

又

本意二

江南憶錦帶遶秦淮萬古中原龍虎氣百年冠蓋鳳凰臺  
天闕一雙開

又 本意三

江南憶牛斗劍光橫跳壁將軍飛似蝶換橋萬戶語如鶯  
虹捲海天清

又 本意四

江南憶霞采映江波吟社春翻紅雪譜講壇月滿碧雲阿  
錦瑟奏清和

又 本意五

江南望渺渺似雲中五色秣陵芝作蓋三山北固海吞虹



今古幾英雄

長相思

春夜

花影低月影微一夜迢迢已半非問天知不知風滿扉  
露滿衣鏽冷殘香戀素幃棲禽尙未歸

昭君怨

本意

千古英雄一淚只在琵琶聲裏冷笑看功臣畫麒麟  
面胡風吹皺折與紅顏消受赤鳳不知愁漢宮秋

又

咏蟬

鶯囀上林春軟蟬噪隋隄秋晚一樣繫興亡碧絲長  
雨盈盈千顆點點清波滴破不但翠眉頻淚珠勻  
夜

點絳脣

和林和靖韻咏艸

舊日青山霜風吹後誰爲主招魂何處棠杜春臯雨杜  
宇聲中休怨芳年暮凝眸去萋萋無數仍滿天涯路

霜天曉角

懷舊

清秋晚角斜日橫雲腳劍射燈花墜紫雙影瘦征衣薄  
今日夢中語當時難卜度唯有丹楓霜葉點點血還如昨

菩薩蠻

除夕

相移不覺春前歲相連不斷風前淚淚已到今殘乾坤醉  
夢閒紫山橫白靄暮歷天如海花月有時新難留霜鬢  
人

又 桃源圖

桃花紅映春波水盈盈只在沅江裏  
湘水下巴邱湖西是鼎州  
停橈相借問咫尺花源近三戶  
復何人長歌埽暴秦

又 述懷

萬心拋付孤心冷鏡花開落原無影  
只有一絲牽齊州萬點煙  
蒼煙飛不起花落隨流水石爛  
海還枯孤心一點孤

攤破浣溪沙 始春新月

嫩柳梢頭挂一分玉痕鬆淺綠煙輕空裏流  
霜蕩漾逼天

清瘦影徘徊還似夢朦朧雪鬢未惺惺卻惱人間菱鏡太分明

卜算子

咏傀儡示從遊諸子

也似帶春愁卻情何人說更無半字與關心吐出丁香舌紅燭影搖風斜映朦朧月鉛華誰辨假中真皮下無些血

憶秦娥

本意懷僊

驂鸞去還來太華峰頭住峰頭住不遠人閒迷濛煙霧  
神山無蒂飛鯨渡迢迢紫海清都路清都路天酒花傾雲韶鶴舞

又  
子規

幽魂咽蜀天淚灑春江血  
春江血東下湘靈哀絃夜月  
春歸還訴春前別天荒地老  
情無歇情無歇喚不歸來他  
生此劫

謁金門  
待賓竹

閒不得閒得也應相卽除卻鏡中霜  
鬢識更誰通消息  
多病年來無力翠幃層層相隔  
珍重楊花風起日覓浮萍  
踪跡

又  
春怨

雲無數遮斷春光來處更着廉纖  
千幘雨罩住和煙樹

社燕佳期已誤他日歸來應訴舊識垂楊芳艸路總被深  
寒妬

清平樂

鷓鴣

但南無北轡盡丁甯舌說與天涯行不得也似欲啼清血  
空山煙雨霏微離披敗葉低飛乳燕莫誇輕俊人間何  
處烏衣

謁金門

偶感

千秋歲只似而今滋味落日黃花衰艸地有英雄殘淚  
片月亭亭西墜不管幽蟲吟砌未審碧霄何意緒恁茫茫  
無際

更漏子

木意

斜月橫疏星  
烟不道秋宵真  
永聲緩緩滴  
泠泠雙眸未易  
肩  
霜葉墜  
幽巖絮薄酒  
何曾得醉天下  
事少年心分明  
點點深

又前題

崧臺泊灘江  
柝劍吼匣中  
如昨劉備壘  
馬殷墳閒愁  
夜幾分  
燈燼滅  
寒衾鐵  
只有歸鴻悽  
切簷溜雨  
遠雞聲  
心知是五更

眼兒嬌

春深始見梅花

不知深淺幾  
春宵猶自見  
春嬌暗藏紅  
粟斜分綠影  
全罩

冰綃 當時曾有孤山約客夢已迢迢餘香應惜東風漸  
老野水平橋

西江月

本意

湘水悠悠北去章江渺渺東流清光拂劍碧天秋情寄一  
杯濁酒 落月倩誰畱住長江又送新愁小孤潮阻散花  
洲露冷長堤衰柳

又 前題

曾憶龍沙孤泊將軍祠下霜寒涼輝淺淺挂西山半破金  
樞拂岸 羌管聲中鳥夢藤花影裏漁灣嬋娟不管淚闌  
珊還送數行歸鴈

南昌劉省吾都督祠不知存否



怨王孫 送春

野水蒼樹落紅飛絮芳艸長堤垂楊古渡只是無人解惜  
春歸雁欲傳雲裏字將誰寄拚與閒愁死天遠水遠山  
遠何處相逢夢魂中

江南曲 寒月

寒月迴霜氣護嬋娟眼暈乍臨秋水鏡眉黃初學遠山煙  
不盡使人憐清賞處猶自憶華年移几當軒添獸篆捲  
簾呵手拂鸞箋人在玉山前

又 前題

寒月迴凝望屬天涯劍吐蓉光三尺冷弓垂蟾影半輪斜

豪氣動悲筋 回首處 羃歷杳平沙 雪窖遙天迷鴈字 瓊樓暗影奈妖羃 雙鬢冷霜華

又 前題

寒月迴風襲讀書帷 視滴搖光分碎玉 鎗花隨影落瓊芝 歷歷記當時 人已老不分冷風雌弔古自垂珠 蚌淚問天欲伐桂香枝清氣盪冰澌 分去聲

又 前題

寒月迴旖旎 一輪安片影 但驚孤葉墜數峰 無那晚煙殘 略似夢中看 深佇立清露沁肌寒 藥竈松風初淅瀝 竹窗梅影已闌珊 人老釣魚灣

鷓鴣天

杜鵑花

錦國春從恨裏裁，雲安涪萬淺深開。  
山頭萬片□芳影，枝上三更結怨胎。  
紅淚滴，血商埋，他時化碧有餘哀。  
傷心臣甫低頭拜，爲傍冬青一樹栽。

虞美人

閏月

乍圓還缺相調弄，也是如春夢。  
有形畢竟有消時，只是較人差久少人知。  
遲回閒戀花閒影，便道秋宵永。  
儂今何處不風光，一晌清靈不散萬年長。

踏莎行

與李治尹夜話致身錄事有感而作

幾許興亡憑誰料理，血痕一縷留青史。  
從來白刃殺英雄。

慙慙兒女叢中死 霜氣飛空星光墮水間  
宵半吐傷心字他年莫問艸堂荒蕭蕭落葉隨風起

小重山

訊道人

聞道韶光色色新青驄驕玉勒踏芳塵  
河橋嫩柳折殷勤全不管葉葉翠睂頻  
鶯語呢含嚙子規催不轉未歸人  
東皇若肯惜餘春紅藥在重染茜香勻

蝶戀花

秋感

簷幙風輕收早稻半捲黃雲半擁綠煙島  
雪鯽如銀膏滿腦瓜肪切玉鋪霜早  
裊裊長竿爭打棗鞋鞦珠圓顆顆  
香甜飽受用蒼天今已老掀髯一笑邯鄲道

蘇幕遮

暮春月夕

雨初收春已盡多幸嬋娟還照煙霄暝弱柳搖波波不定  
綠影層層蹙損金樞暈儘閒愁誰借問花落花開難向  
今宵認猶有餘香吹陣陣珍重清輝莫映殘雲隱

又

翠濤以新詩見懷作此答之

老猶慙愁不死燕子銜來無限傷心字春色三分還似此  
和雨和煙了卻韶光事有如癡仍似醉短劍光銷紅蠟  
傾珠淚一片瀟湘東下水誰道無情長惹飛花墜

漁家傲

樵歌

煨芋斂香斟卯酒扳蘿不怕寒崕陡黃葉颼颼麕鹿走君

知否夜來野燒霜枯多 林外炊煙青一縵斜陽又轉蒼  
溪口莫怪逢僊祠已朽耽暮久人閒殘局難丟手

又 前題

雨歇輕陰苔滿地鶯聲引入雲深際谷口回風驚颺起  
花碎芒屨點點紅芳綴 滿徑山礬香藹膩杜鵑鋪錦簪  
螺髻掉首行歌歌不已腰鎌墜枝枝不忍傷新翠

又

爲好送魚苗謝之

連雨前溪新漲瀾垂綸不上雙雙鯉剛歎直鈎鈎不起青  
蓑委果然甚矣吾衰矣 雪脊霜鱗春燕尾殷勤不待桃  
花水曲沼逍遙萍葉紫秋風裏熟炊香稻烹銀髓

鳳凰閣

詠風

鎮來回不審何時是了問天也難分曉可惜一江綠淨半  
林紅裊都被輕狂消繳年來雙耳長似蟬吟林表那堪  
鬢吼還相勦便兩鬢幾莖霜也來縈繞到長夏又還幽悄

天僊子

元夕

垂垂凍雨淩珠滴阿誰喚作鎗花夕當時有夢到今圓孤  
煙攪殘膏膩寒山不着東風力纔領取歸鴻嘹唳又消  
受殘梅狼籍人間昨日是元宵人非昔天難識明年消盡  
中原厯

祝英臺近

殘梅

有餘香無別意難向東風說前夜朦朧一晌邀霜月元來  
卻上柳梢平沈碧海拚不管幽芳淒絕情無欲苦禁斷  
雨斜陽望尋香凍蝶漫無消息歸燕空饒舌便判取豔墜  
珠樓煙飛紫玉也難待杜鵑啼血

御街行

上已

迷煙迷雨教春困不道是清明近輕寒曾忍柳風狂只待  
東君花信紅藥芽嬌山丹胎小依舊無憑準蘭亭今昔  
何須問消不盡新亭恨強將客淚付流觴逝水難酬春怨  
鶯鶯燕燕花花艸艸目送韶光褪

東風齊着力

憶別峰修竹爲冰雪摧折



一片綠雲千條寒玉亭亭孤上非想有情天記得雨餘殘  
照趁啼禽卽栗橫肩迎眸處捎雲垂露嫋娜芊眠誰道  
別經年怨湘妃不語我見猶憐鯨波吞嶺欲遣變桑田魑  
地一聲去也挽不住環佩珊珊空想像紙窗清影淡寫之  
五

水調歌頭

放言

我自非卿法何事爲卿愁非卿之法卿抑可不爲吾憂  
若汝三更半覺而肯一參萬歲月也應含羞弄影浮雲上  
圓缺總清秋數花鬢黏柳絮汝風流差排螳國鰕島立  
地鳳麟洲旣道尼山出世又召東山入夢鏡裏是真頭炯

炯明看汝更上一層樓

念奴嬌

南嶽懷古

井絡西來歷坤維萬疊丹邱戰壘萬折千回留不住天曩  
龍驤鳳起雲海無涯嵐光孤峙綰住瀟湘水何人能問問  
天塊磊何似南望虞帝峰前綠雲寄恨祇爲多情死鴈  
字不酬湘竹淚何況衡陽聲止山鬼迷離東皇縹渺煙鎖  
藤花紫雲璈無據翠屏萬片空倚

瑞鶴僊

壽劉庶僊

桃花開也未有酥雨微晴爛熏春醉何須傾綠蟻弄嫩柳  
鶯背黃酴香膩綵衣新試更昨歲蘭開雙穗此芳辰不樂

何如塵世原同兒戲 曾記牡丹月下琴軒春早笑歌聲  
沸年華彈指漸兩鬢霜華綴看江山一晌蜃樓閃爍煙波  
杳靄無際只壺公壺裏韶光一色彤雲多麗

南浦

驚秋

片雲堆雪卻無端飛影欲掠斜陽回首西風起處幾葉上  
輕黃莫問藕花凋未看蜻蜓點點度銀塘有前時雙鬢而  
今似否青鏡自商量 極目神州杳杳只歸禽無數點微  
茫銷盡殘虹半折短劍蝕清光便遣吾廬三徑在他時楓  
葉不禁霜祝掠雲雙燕好將歸夢遶空梁

尉遲杯

冬景

夕陰凝分一半霜。月空霄影危柯。風吼鼉吟，料得栖禽難  
定。睂雲黛蹙，問何事帶濃愁不醒。也應他倦看天涯萬里  
平蕪煙暝。休道柳暝花嬌，便秋色碧梧猶戀金井。早似  
十分搖落也。誰待怨玉露當時薄倖。但隨風幾片丹楓，還  
逞飄零情性。聽孤鴻暗度三更。幽魂脈脈孤省。

二郎神

咏鏡

碧潭清淺。又早被蘋風吹動，驚鬢影參差。歸來欲倦，試向  
菱銅閒弄。何處相逢似曾相識。一面閒愁偷送。多情甚白  
袷朱顏。直至而今相共。還恐塵生碧海。元雲暗湧也似  
我年來。桃花春水咫尺煙迷。秦洞總不分明。猶應記得笑

語當時恩重誰忍見半規流落人間別邀新寵

望海潮

本意

紅塵如此茫茫滄海吾將誰與言歸蜃霧騰虹龍珠炫紫  
波光天外霏微寶日湧初暉經煙霾萬里雲鎖千閨依然  
不改晶輪激火夾天飛吹簫人鼓餘威將吳宮舊怨血  
洒靈衣怒遣天吳濫驅海若長風奮駕支祈淫姣責江妃  
將平沙盡洗僊艸滋肥屬目軒然一笑人在釣魚磯

風流子

春感

春光又到也全不惜霜鬢不禁愁問歸飛雙鴈江南塞北  
冰融風軟何處堪畱莫輕棄魚波翻縠皺鷺影挂銀鈎但

愛風高黃沙眯目爲貪月冷白艸含秋  
垂楊搖蕩處綰  
不住綠水去悠悠饒有荇牽翠帶難繫浮漚看微踏青眉  
皆黛蹙相逢折柳淚總珠偷歎千金春價一刻難酬

蘭陵王

秋感

傷心事今日從何說起劍光冷血濺潭龍落葉風高雲際  
寺賓鴻傳錦字向道海雲孤峙天涯遠欲託傳情不怕關  
河阻迢遞露墜芙蓉死問秋藕可能將絲重繫吹簫人  
老吳閶市向夜闌人靜閒提半語也怕吟蟲相調戲擁孤  
衾獨睡憑夢將愁寄更天海悠悠望斷煙水縱然有夢  
成差異難尋覓酒伴同垂珠淚想天□□□也了無慙媿

賀新郎

用韻寄題翠濤山居

君未同余老任叔夜  
崑欹磊落玉山奚倒偶  
借漁磯垂直釣不許問津人  
造豈但愛清溪回抱萬疊碧  
簷青帶遶徧天涯總是王孫草  
笑一室何須掃平疇良稼懷新  
好多種林黃雲釀熟香熏龍腦  
畫駿不臨松雪譜自寶思陵鷹  
爪煮冰雪自尋鱸鰖閒寫谿雲  
山雨句終不教舉俗憐丁卯雖  
寒瘦非郊島

翠濤家藏宣和畫鷹因憶趙子昂不類遂及之

又

中秋大病不得與從遊諸子觴月吟此慰之

海門孤月上是人間平分秋色  
桂香新釀一曲艸堂東嶺對延  
盡碧天清爽窗影照吟蟲幽響  
鷺足倒拳衾似水笑

清狂到此無能強  
鐙燄薄搖孤幌  
一丸冰玉含惆悵  
付伊誰劃破青天  
御風孤往  
擒取妖墓三足怪  
錯滿銀魂千丈  
問竊藥當年欺罔  
玉宇能禁寒徹骨  
但有情不怕銀河  
廣寶劍在英雄掌

十二時

蟋蟀

問古今閒愁有幾長  
與秋來相惹  
到月暗梧桐疏影木葉  
泠泠初下便遣清宵都無  
萬感猶自難消  
夜偏傍砌側近  
西窗冷絮閒叨  
不管殘鐙花燄  
從伊誰問知幽恨長在  
鴈梢縈挂似訴風淒如悲  
露冷斗轉銀河瀉  
莫念人幽悄  
殷勤特相慰藉  
不分明傷心句裏聽得  
又還爭差待擁



孤衾滅鐙塞耳可放離憂罷未多時更被荒雞數聲啼也

玉女搖僊佩

霜葉

雲容初皺鶚老梳翎微露猩紅丹味迤邐金風輕寒不耐  
心緒還如中酒莫是憐秋瘦貫韶光薄媚春歸還又念一  
自紅藥凋零杜宇三更啼血而後拖逗得傷心染就殘痕  
到如今消受還想拒霜木末蓼花江岸晚豔於今未久  
半折殘虹一灣夕照卻早送人僊僊零落還知否唯應伴  
幾葉淡黃衰柳又恐怕青娥嬌妬不肯留儂住朱顏非舊  
重回首雨餘荒草堆紅繡

鼓棹初集終

鼓棹二集

船山遺書六十一

衡陽王夫之謨

十六字令

元夕見月

雪面女耐冷卸羅衣  
盈盈出爭賽粉香肥

搗練子

咏寒

剛有緒又無端  
細雨千絲月半彎  
一寸眉稜千障壓  
不教人放片時閒

又

咏霰

空無際月無痕  
悄悄盈盈上草根  
蜻蛚逼窗鐙影綠  
愁人不道不消魂

如夢令 春後寒雪不已

聚起鏡中珠飽光射窗中花擾消遣一衰翁  
鰕項縮來欲稿休惱休惱昨夜春山先老

又 小遊仙

一色花飛鶯報五色烟輕雲罩夢裏屢驂鸞  
只是今生未到誰道誰道只有人閒春好

又 前題

天酒玉童斟送秋水小鬟低誦今日與他生  
一逕瓊壺花動非夢非夢波動月原不動

長相思 春恨

鶯亂飛花亂飛總誤春光去不違誰知春事非  
風滿扉  
雨滿扉坐待元禽暮不歸孤雲遶翠微

又前題

待尋芳嬾尋芳褪粉梨花背夕陽清明未斷霜  
游絲長  
柳絲長欲綰春光春又忙辛夷早綻香

又落日

海天寬暮烟殘纔得團圓對面看還沈山外山  
人倚闌  
鳥飛還回首東風一碧寒嬋娟欲上難

醉太平 冬夜

霜楓墜丹風窗送寒心知明月光殘轉牆西小灣  
巍巍

豹關迢迢玉山夢回還在人閒聽雞聲夜闌

生查子

春感

梨花一片飛飛落春衫袖莫漫愛餘香春去君知否  
青  
郊驄馬兒浪醉旗亭酒不是不催歸寶鞭在君手

又秋感

藕花豔銀塘玉露凋零盡素蜨不知愁波影弄金粉  
飛  
飛飛不去日暮西風緊爲惜白蘋香怕受微霜損

點絳脣

飛花

不是人閒定然無箇藏春處和風和雨抵死驚飛去  
暖  
日晴風猶自難畱住天涯路金勒駒驕踏作紅塵土

浣溪沙

秋感

風翦芙蓉墜晚香  
衝波難認舊鴛鴦  
秋宵漸永儘思量  
幾度相逢唯夢裏  
疑非疑是不端詳  
鷺鷥空帶滿頭霜

又

冬景

欸凍額黃暈淺檀  
金罍頰醉半腮丹  
妬他臨老更芳顏  
落葉泠泠清影瘦  
敗荷翦翦綠雲乾  
爭教不怯曉來寒

又

冬望

縹渺雲絲展碧空  
孤峰峰影影孤松  
天南天北鴈來風  
極目江山無止竟  
傷心日月太從容  
霜楓依舊半林紅

又

病起春日小步

水淺平田碧幾叢出胎初葉翦嬌紅  
勻勻梳柳半溪風  
小雪去年門外影如今還落夕陽中  
春光不道不從容

添字昭君怨

友人劉懿菴營虎塘頗勝  
沒後翰爲茂草賦此寄歎

燕壘粉垣香墜蠶館蓼花紅碎  
行人莫唱水東流水西流  
柳外畫船簫鼓簾外梅龍  
烟雨當年原倩遣閒愁惹閒愁

攤破浣溪沙

病中與劉李二生夜話

曾把榆錢買少年少年已是柰何天  
爲憶楊花未落已啼鴉  
聞盡閒愁都是夢不知殘夢在誰邊  
贏得如今蠶老已三眠

又 夏景

隱隱輕雷挂斷虹  
平田高下與溪通  
溪外罩魚人影落波  
中  
屐齒泥融雙印直  
葛衣風漾一襟鬆  
回看西峰峰外  
半青紅

菩薩蠻

遣愁

半生只伴閒愁住  
如今卻待驅愁去  
歸鳥沒遙天  
雲橫斜照邊  
乾坤看一笑  
愁到何時了  
拋擲與征鴻  
霜宵喚曉空

訴衷情

春景

東風亭午擺垂楊  
絲絲日日長  
吹落梅花無數  
不解惜幽



香 落霞紫暮烟黃送斜陽無憑天氣一霎融和蜂蝶空忙

醜奴兒令

和李後主秋怨

當年誰送江南怨雲樹悲秋解艤含愁月影消沈玉一鉤  
無數蜻蜓飛晚照紅蓼梢頭欸欸嬉遊水冷蘋花帶影流

憶秦娥

夢花

秋江渺秋心獨展幽芳幽芳悄護臂紗輕注脣丹小  
蘆花風亂汀洲遶采芳人遠知音少知音少幾葉漁船一  
輪殘照

又 病中寒臥

寒無那凍雲乍裂晴難果晴難果紙窗低覷麗眉深鎖  
年華容易催人過寒威荏苒畱人臥畱人臥乍夢春生雞  
聲啼破

又 前題

酸風惡寒梅不管丹楓落丹楓落當年也似梅含朱萼  
侵窗雲暗晴珠奪壓肌衣重腰弓弱腰弓弱曾聞衰老而  
今方覺

謁金門 小除夕

年華驟閃閃孤燈依舊半盞春前村醞酒病裏還消受

一劍天風孤吼千里暮雲鋪就不惜鏡中人易朽只笑恆河皺

減字木蘭花 憶舊

春溪水滿月嚮桃花香處暖幾葉芭蕉綠影斜侵嫩草苗  
碧烟日罩遙聽江城歌管開小步閒吟一逕苔陰萬里  
心

又 前題

江湖短劍醉臥不知誰野店笑傲刀兵月落猿啼客夢驚  
寒更歷盡孤鴈孤飛棲不穩爲問青天錦瑟誰人續斷  
絃

清平樂

咏雨

歸禽嚮暝隔斷南枝  
逕不管垂楊珠淚  
迸滴碎荷聲千頃  
隨波艤殺魚兒浮蘋  
乍滿清池誰信碧雲  
深處夕陽仍在天涯

又

問劉存齋索香橙

秋光已盡月也幽香  
褪只有霜膏團紫暈  
仙霧蘭漿深醞小窗  
讀易初晴藥鑪風軟  
烟輕莫遣先生午睡  
憑教鼻觀惺惺

阮郎歸

本意

桃花流水紫雲深  
瑤京路易尋人閒  
何事苦關心  
匆匆下

碧岑 才燕語又鶯吟飛霜兩鬢侵玉壺鴛語信空沈藤  
蘿鎖翠陰

又 前題

當年只解愛桃開尋芳得得來仙娥容易許仙才霞裳浪  
與裁 愁弄月怕驅雷繇來非聖胎巫山別有楚陽臺行  
雲夢不回

西江月 春日野興

草綠黃犂歸晚溪平白鳥飛低小池春藕半沈泥漸近梅  
酸天氣 昨日社逢雨止今年閑放春遲寒深茸母短芽  
稀未與山厨做美

又

重過續夢菴

殘夢當年欲續草菴一枕偷閒無端幻出苦邯鄲禁殺騎  
驢腐漢幾度刀兵骨血十年孤寡辛酸潭龍駒睡太癡  
頑欲續衰年已嬾

鷓鴣天

白蓮

斂束檀心吐半絲遲回妝靚暗香吹綠窗獨倚珠千淚團  
扇斜窺玉一規清露淺碧烟微閒心自照鏡光知鹿門  
漫作無情句月冷風清欲墜時

玉樓春

前題

娟娟片月涵秋影低照銀塘光不定綠雲冉冉粉初勻玉

露泠泠香自省 荻花風起秋波冷獨擁檀心窺曉鏡他  
時欲與問歸魂水碧天空清夜永

一翦梅 春晚

妬花風雨在花前開也堪憐落復何言愁魂斜暉淚珠懸  
弱蒂難堅紅影難圓 何事迷香雙蛺蝶浪向東園魂夢  
相牽誰知不是養花天試聽啼鵲春在誰邊

蜨戀花 衰柳

爲問西風因底怨百轉千回苦要情絲斷葉葉飄零都不  
管回塘早似天涯遠 陣陣寒鴉飛影亂總趁斜陽誰肯  
還畱戀夢裏鶯黃拖錦線春光難借寒蟬喚

粉蜨兒 咏霜

問天涯有幾多寒情冷緒怕春來游絲飛絮更因風黏住  
了江天紅樹弄輕盈勾引教飛去 悄不知小橋西荒雞  
催曙月斜時揉碎一天珠露苦恁將酸風勒住儘淒涼拚  
與寒鴉低訴

醉春風 咏蜨

紅影紛無數偷眼斜回覩闌干十二繡簾垂住住亂蘂  
繁花熏人無奈非儂畱處 綠影輕風度芳草天涯路翩  
翩清夢自逍遙去去去縱使飄零依然不似輕狂柳絮

風中柳 水桂



不惜輕盈取次濃妝珠藥似憑闌綠雲倦倚低鬟微笑歎  
蘭襟香細斂幽情閒心如水道是江妃還似月中仙子  
向秋清露凝芳髓冷然孤秀怕微霜風起索細挽柔條重  
覩

青玉案

秋海棠

雕闌玉露凝珠屑長只恐芳魂折日暮碧烟相護切翠鬟  
低顰胭脂淡染了不愁孤怯含情靜解丁香結淺笑偷  
窺清夜月自惜斷腸誰與說金風蟻困歸雲燕去唯有寒  
蟬咽

行香子

遊珍珠巖

流水淙淙溯草茸茸轉蒼灣午日霞烘赤城圍玉紫葢擎  
空試問仙翁今何在絳雲封芒鞋幾兩青山踏徧乍桃  
谿一曲相逢平田下望霧靄烟濛誰人知我極遠目送歸  
鴻

江城梅花引

病中口占示劉生

和鐙和影一雙雙耐淒涼儘淒涼天也難教病骨老來降  
還欲共天爭旖旎空碧裏弄輕狂競飛霜飛霜飛霜夜  
何長有難忘自難忘夢也夢也還認得烟水微茫待把疎  
星斜月與分張一葉暗飄風不定飛去也儘飄零在回塘

碧芙蓉

闕題

風定小窗明半睡初闌雙眉乍展追數餘寒浪過春半花  
有恨一枝不穩柳如人三眠已倦莫更惜幾日韶光催取  
玉簪香滿還愁輕暖處更一絲雲繭橫掠山腰雖則暫  
時消散怕黃昏玉繩低挂又參差碧綃斜捲青天如夢倩  
取百轉啼鶯喚

滿江紅 藤蓑詞

一幅藤蓑遙領取江門風月釣竿把孤舟獨泛滄波飲雪  
倚棹騰騰吹笛去衝風直犯金鼇窟有些些閒事不關心  
同誰說 鏗一點漁歌歇天一碧歸禽沒買村醪自酌醉  
梳華髮撲岸蘆花飛已盡鴈聲不呖西風劣又何妨拳足

櫪頭中霜衾鐵

天香

餘冬雪霽念早梅應開病中不得尋訪悵然有作

霜薄含冰雲輕弄雪未遣珊珠紅褪夕鳩回塘誰倩問早  
把瓊心幽醺也應待我嚮月下微吟相訊自惜自憐孤影  
半吐半垂清暈來時早鶯啼破幾點點玉錢綠襯便與  
尋芳已晚粉殘香損猶自不成辜負卻只恐東風垂柳困  
夢裏依然蜨魂相趁

鳳凰臺上憶吹簫

憶舊

楚塞天遙灝江雨冷烟雲溼透征衣指數峰殘雪候鴈先  
歸堪歎生生死死今生事莫遣心違家山裏一枝棲穩碧

草春肥 依舊家枝葉夢不到峴山風雪霏微念鏡中  
霜鬢人老漁磯指點棠梨春雨猶應化白蜨雙飛孤飛也  
寒烟罨繖鐙火荆扉

滿庭芳

初夏

顰顰梅珠條條菖葉不須更怨春歸垂楊風軟練鵲一雙  
飛自愛芳塘素影與波光上下爭暉閒日永新來病淺相  
賞莫相違 當年還似此年華雖老不道今非問靈均去  
後誰翦荷衣日暮輕雲凝綠遙天迴笑揭湘妃還應有笑  
蓉出水妝點釣魚磯

念奴嬌

松影

擎雲縹渺有五鬣仙姿憑誰細數半頃黃茸茵藉軟移上  
素琴冰柱縷縷絲絲斷紋交映細寫雙清譜疎光逗漏幽  
香幾許暗度一霎雲散西清遲遲送上到回巒高處垂  
靄霏微深黛轉似把歸禽低護霧冷山空一枝斜閃猶在  
尋香路夕陽易沒輕陰且趁歸去

又柳影

半塘春水早光透玻璃綠鬢到驛曲岸苔平鋪逕淨還惹  
晴風輕簸葉葉衣涼垂垂佩委碎翦綠陰破柔情不定翠  
眉偏映雙鎖爲問庭院沈沈畫垣幾曲卻放春愁過巷  
陌斜陽偷送出欵欵碧烟縈裏亂點征衫橫拖玉勒似惜

垂鞭墮猶愁未穩黃鸝更着一箇

又竹影

紙窗僧院記溼雲初散秋山如洗繚繞茶烟輕裊外荇藻  
澹生空水簷雀低飛松牖偷竄欲壓還扶起蘭風微展冷  
然斜暉仙袂不道活現金身尋根撥葉問幾莖墨翠斷  
續晴嵐飛片片總入虛澄鏡裏題字遮殘疎櫺界破厯亂  
穆穆尾閒心窺破闌干何事重倚

又梅影

香魂近遠卻早離枝上暗黏芳草爲惜清姿全似水幻作  
碧膏籠罩側墜蜂鬚半凋珠顆非被冰霜惱侵堦零亂素

痕未許人歸 遙想萼綠仙姿繡妝翦綵那似晴光好斜  
轉回塘清淺裏脈脈相看微笑凍蜨低飛疑非疑是無柰  
陰寒峭暄風動後濃陰任遣鶯鬧

又 鴈影

關河迢遞恨塞日昏黃難傳標格沙淨水澄清澈好點點  
蕭蕭歷歷曉鏡修眉清波皺影淡寫層層碧分明瞥見孤  
舟莫弄漁笛 貼水浴鴛爭飛凌亂波紋未放千雙直風  
裂雲痕開夕照還與蘆花相卽野岸霜前南樓月下應恨  
無人識曉來無據教人空望天北

又 蜨影



紉衣試暖乍圓印苔錢旋添花暈藥徑日高風力軟細逐  
落花低隕微掩香鬚別裁黃袂金粉應初褪雕闌重疊玉  
堦未遣全認 小院午睡方醒扇羅乍覩似撲芳魂損則  
轉忽如秋葉舞又向碧紗窗隱垂柳參差紅芽掩映夢也  
無憑準殢人凭檻凝眸無那嬌困

又雲影

層巒飛映似縹緲神山因風離合簇簇青蓮輕度過卻繞  
孤峰三匝極目空明遙天無際瑤鏡微籠匝平沈遠樹翠  
光略吐尖甲 曳杖閒倚亭皋微颺下拂便涼生一霎荷  
芰半塘新綠暗忽染素羅輕袷回首吾廬午烟遙接一幅

青綃裊

竿修竹鳳杓還與低壓

又

影

晴江春曉但搖曳落花溶溶東下誰送素綾千皺裙直上  
畫簷鴛瓦鏡面回鐙月輪浮雪一色飛光下游絲婀娜吹  
來似欲相惹一霎永走珠流應有漁舟蘭棹縱橫把迸  
散一天星斗亂不覺銀河西瀉驚碎還圓輕勻稍淡移向  
茶蘼架日高風靜瀟湘依舊如畫

又

簾影

鶯啼報曙早驚覺繡帷星眸欲炫起看瓶花香漸歛的爍  
深紅如顫衣翦輕羅參差三五恰透冰肌現釵光閃爍翠

鬟怕有撩亂 恰好細數湘紋無端攪動柰飛來雙燕還  
憶夜香燒罷後妬殺玉蟾光滿何似疎筠半籠曉色一儘  
來回便簷陰未半銀鈎且莫高捲

又 帆影

西風落照看渺渺滄洲烟波無際一段輕陰相趁轉不許  
蘭橈驚碎路帶神鴉時飄蘆葉曲映江楓紫憑遮客鬢怕  
教照見憔悴 有人獨倚危樓沙際遲回疑是歸舟繫已  
過輕鷗飛起處不見旗梢燕尾蕩入中流斜侵隔岸依舊  
縈沙嘴回頭北渚唯餘塔影孤峙

又 影戲影

笑啼俱假但綽約風流依稀還似半壁粉牆低映月賣弄  
佳人才子情絲牽引清光回照漫道傷心死猛然覩破原  
來情薄一紙應是縹渺飛仙當年竊藥落在銀蟾裏半  
面人閒高處望傳與霓裳歌吹有意畱仙難禁夜短還怕  
鐙花墜迷樓吐燄倩誰挽住香袂

又

走馬鐙影

炎光未謝競的盧飛躍爭先赤兔才轉危坡還注坂橫戟  
無心回顧汗血追風怒髯奮臂總被流光誤暗中轂轉蟻  
磨幾時停住兒童莫笑來回半針尖裏走英雄如鷲終  
是蝦跳難出斗漸有荒雞催曙五夜光殘一絲氣冷敲罷

邊腔鼓勳名半紙無人重與偷覷

又

薑齋影○衰病彌月一切盡遣擁火枯坐心無所寄因戲作諸影詞引半縷活氣令不分散孤鐙下

忽見婆娑在壁因念人知非我之無彼不知非彼之無我也留連珍重旋與評唱一闕

孤鐙無奈向頽牆破壁爲余出醜秋水蜻蜓無着處全現  
敗荷衰柳畫裏圈叉圖中黑白欲說原無口祇應笑我杜  
鵑啼到春後一當日落魄蒼梧雲暗天低準擬藏衰朽斷  
嶺斜陽枯樹底更與行監坐守勾撮指天霜絲拂項阜帽  
仍結首問君去日有人還似君否

永遇樂

紙窗日影

籠月雲輕開萍水碧問還似否落葉旋飛鴈聲空度未計

閒情生受乍暖熏肌殘紅上頰睡眼半醒相逗卻猜疑荔枝初剖紫暈冰綃微透鏡匣斜開枕痕淡染粉面如中卯酒含笑迎眸回光相映應念人消瘦乳雀低飛嶺雲橫度已怨暫時倏悠更只恐午夢將闌未許恨人長久

惜餘春慢

本意

似惜花嬌如憐柳嬾前日峭寒深護從今追數雨雨風風總是被他輕誤便與揮手東風閒愁拋向綠陰深處也應念曲岸數枝新柳不禁飛絮爭遣不燒燭畱歡暗邀花住坐待啼鶯催曙怕燕子歸來定巢棲穩不解商量細語未擬扳畱長久乍雨乍晴絲來無據待荷珠露滿梅丸黃

熟任伊歸去

沁園春

渾天移

黍子勻黃吉貝銜絨莫問因誰但旣在於中自堪細數未  
超其外不得旁窺暗去明來偷寒送暖無情還作有情癡  
相憐甚教碧綃簾幙翠擁珠圍知恩今古人稀猶自把  
雙鐙照路迷更劃斷鴻溝不隨轂轉調成玉律一任清吹  
綵縷交縈金梭互擲珍重天孫織錦機莫辜負聽越門簫  
鼓對打爭馳

摸魚兒

咏霜

向深秋蘆花風起吹散一天珠露六銖仙袂新裁薄翦落

冰絲千縷輕盈舞，還只恐素娥鏡裏深相妬。欲畱教住柰  
晴色窺人斷雲送暖，驀地催歸去。更誰念暗壁吟蛩正  
苦，遙向征鴻低訴。平沙野水朦朧影，難認白蘋香處。春期  
誤卻早，遣啼鴉血淚，霑江樹。暝烟休護，又何似明朝天低  
日淡，散作蕭疎雨。

又

辛幼安傷春詞悲涼動今古惜其蛾眉  
買賦之句未忘身世爲次其韻以廣之

總繇他閒愁，不管纔來又還催去。悠悠一派東流水，載得  
落花無數。人長住，卻笑伊來回奔走。天涯路，凭闌無語，終  
不似黃鶯苦愛東風，百轉迎人絮。今古事，莫待怨誰相  
誤。可但月來雲妬，傷春未已，傷秋賦。重倩吟蛩寒訴。瓊花



舞又早見玉山瑤井填黃土無爲自苦待人散月斜日長  
山靜儂自有歸處

又

辛詞柳斜陽之句宜其悲也乃尤有甚于彼者復用韻寫之

向西園花飛一片早已傷心春去殘紅落盡更如今難把  
流光追數畱不住征鴻影黃沙紫塞秦關路從誰寄語道  
有人獨對雨打梨花看黏泥飛絮情流水欲覓芳蹤還  
誤津頭風雨深妬淒涼庾信江南賦難向無情天訴爲楚  
舞流不盡楚歌血濺陰陵土寸心知苦望萬里荒煙一叢  
漁艇渺渺無歸處

賀新郎

上巳前一日雪

春自無愁耳笑無端一枝淺絳半林新翠便擬東風相寵  
惜暗約柳絲縈繫喬相賺落霞片紫斜日烟籠沈海底早  
蛟風亂翦雲皴碎蛟淚冷彌天墜寒漸漸結流觴滯便  
拚得蘭亭休賞龍門堪醉糝徑不遮春草綠略染西峰螺  
髻刪不了朗清天氣乍與碧桃爭粉素柰鉛華俄頃成流  
水今視昔應如是

多麗

別恨

悄年華偏是流光難擲夢回時分明眼底離亭楊柳初折  
渾相忘金微路遠與扳畱青組珠勒天涯何處漫生芳草  
歸來珍重怕逢啼鵲重思省元來是夢生死關河隔今生

永迢迢良夜如何拚得 祇當年華 鐙影裏鴛鴦繡帶輕  
拆怨落花浪隨流水消盡西園舊春色孤館黃昏雨絲雲  
片蒼苔滿地無人迹問青天何意畱住孤鸞隻教空辜負  
當年無限山海恩德

哨徧

廣歸去來辭○蘇子瞻隲  
餘瀋也吾自有大歸夫去

括歸去來辭陶公之  
而大來者爲期未知

遠近然知遲遲之不如按漸  
久矣因借其韻以自抒已懷

一領青蓑一柄長鑣也是閒牽累歸去來何處可言歸舊  
家山目前卽是知者稀誰堪就問津路莫將黃葉迷竈稚  
憑冷覩春花閒看秋月蒼天伎倆止此笑乾坤兩扇半開扉  
任柳絮穿簾撲面飛旣不黏泥自然輕脫唯吾之意 噫

歸去來兮縱橫萬里人間世嚼匭匭橄欖來回甘苦知味  
弄二月輕雷散一天暮靄傾倒銀河香水釀就蜂蜜驚回蟻  
夢丈夫當如此矣昭昭白日亭午時駕玉虬停驂一問之向  
虞淵可容轉計燭龍今在何處料也難酬答但斟北斗天  
漿滿斝恣我花前沈醉歸來斬盡一團疑胡不歸漫畱止

搗練子

咏霜

孤月上夕風微忍得寒生玉粟肥征雁千雙空裏過可能  
帶得向南飛

憶王孫

本意

蘆花誰覆釣魚船寶玦藏腰未敢言落葉驚烏月上弦夜

如年春夢無人與再圓

又

蜂投窗紙擬遣飛去戲鳳之寓意

白雲迷望轉罪微別徑人間去不違好逕桃花一片飛  
阮郎歸莫問天台路是非

如夢令

寫恨

恩重玉簪金管愁盡玉魚金碗莫道只今千萬歲難消春  
恨淚眼淚眼顆顆零零珠串

又

春間

拋卻瓶花帶軟坐待盤香線斷不見也還休門外鶯忙蝶  
亂誰捲誰捲一軸畫簾銀蒜

長相思

石櫺

蕊珠宮碧霞封風裂雲痕一線空  
繁星數點逢素綃重  
隔簾櫳丹荔新餐玉液濃  
楊妃病齒紅

生查子

咏史

長平十萬人一夜秦坑殺魚死濁流中  
不祭乘時獺死  
坑未是愁唯有生坑惡  
胥井埋蟾蜍欲跳只三腳

又

前題

沙中奮一椎飛影不知處知非賭命場  
不下千金注蒲  
山電眼兒約畧知其趣  
豪氣未能降長揖關朗去

又

前題

千秋銅雀臺腸斷西陵妓誰念故園空豆蔻含胎死清  
漳自東流粉黛愁難洗分得餘香歸驕殺邯鄲子

又前題

青衣抱玉觴獨嚮蒼天哭天有無情時厯亂雙鵝撲社  
鵲啼不休商陸子難熟流淚一千年血蹟西臺續

又前題

阿姨罵不嗔爲怕鸚哥罵猶兒殺鸚哥纔卜歸魂卦一  
堂靈隱僧桂子香清夜五字萬年碑竟是誰天下

又前題

龍鳳是何年人間瞞不得空谷無人行且喜似人迹可

憐松雪翁不惜天水碧馬腹君自投芳草嘶南陌

浣溪沙

桃花

初破靈砂顆顆肥綠煙輕遶護霏微晴烘休漫怕丹飛  
結子他年千歲熟如今剛半過春暉莫教輕放阮郎歸

又

前題

春恨拚教柳帶長朱顏貪耍醉霞觴臨風臨水笑雙雙  
欲洗兒容爭采摘卻隨蝶夢儘飄揚愛他嬌艷奈他狂

又

李花

前日冰花萬樹飛晴風初解曉寒威誰鋪瓊藥更霏微  
卻怪年來雙燕子涎涎尾掠素光肥應如雪夜待人歸



又前題

流水前灣曉鏡清粉香玉潤素綃輕欲邀月姊伴飛瓊  
不可久畱仙佩冷天桃爭賽妬顏頰江梅殘夢正相迎

攤破浣溪沙

偶興

爲訊南朝燕子飛人間何處有烏衣不是舊家庭院也爭  
歸低啄絮泥防易落不知疏柳墜殘暉還與一雙蝙蝠  
傍簷飛

謁金門

示意有授

幽緒悄欹枕夢回分曉俯仰乾坤霜月皎此際愁多少  
欲洗長空天杳袖裏青虹光裊相倩一揮雲漢表莫打閒

之遶

玉樓春

邱鵬

秦關楚水天涯路  
唯有歸鴻知住處  
經時已換蓼花洲  
依舊難忘芳草渡  
南天回首蒼煙暮  
寄語元禽歸也誤  
垂楊千樹亂啼鴉  
誰聽呢喃清晝語

一翦梅

答須竹所問

北海殘碑數字傳  
前日烽煙今日蒼煙湘  
靈鴈柱鼓湘川  
欲扣清弦還恐驚弦  
閒心遙寄水雲邊  
莫問湖天自有  
壺天忘憂春暖錦堂萱  
好種芝田且看桑田  
李北海嶽麓碑爲野火燒毀嘉興呂師燕拾十數字于芳草中今更不知在否

臨江僊

水倦花

道雪無香都不是峭寒一點春融昨宵煙月水涵空粉肥  
略帶影綠弱不禁風遙與碧窗人似玉檀心深鎖重重  
倚闌初日照愁慵春纖珠串墜僊袂素羅鬆

蝶戀花

候雁不至

曾倩歸飛雙燕子換取賓鴻來渡瀟湘水雲線烏絲闌畫  
紙素綃好寫關河字斜日寒鴉飛接翅爲底迷畱白草  
黃沙地搔首問天天似醉南樓霜冷丹楓墜

漁家傲

翠濤作煨柑樹詩索和以詞代之

鑪影圓紅煙尾曳湯瓶漸送松聲碎不是村醪無米兌難

成醉酸風昨夜新傷肺 青鏡古今多少淚無緣卻嚮寒  
崖墜明月在天霜滿地愁也未兩莖鐵脊舒腰睡

又前題

薄日漸消霜逕粉荷鋤細把枯株認惜取山礬休蹙損春  
事近香風遣透幽窗歎 橡斗藤花誅已盡杜鵑無藥盤  
根穩劇得歸來剛一畚煨教燼明年莫更啼春恨

又前題

雙髻峰頭千樹縞輕鬆鍾乳玲瓏罩相聚團團園土竈愁  
欲倒而今卻憶愁時好 不怨融和春不早春雲怕障邯  
鄲道舊夢不成人愈老流鶯惱憑誰喚醒粘天草

又前題

鵝鴿桃紋干煉熟棗膏胡粉和香築鳳翅殺猊填絳綠紅  
光簇貂璫門外神荼轟殘夢京華難再續空山雪子埋  
牛目幾櫟枯株鷹爪禿誰人廝跛奴運斧還傷足天啟間  
炭和以棗粉作門神  
雕鏤精乃藝立門側

又前題

殘火星星容易炮鹿頭虎爪相撐架漸次囹圄低復亞難  
消夜憑誰細數興亡話正閨參差王與霸妖狐也把骷  
髏挂肉餚饅頭人甕鮓都休也獵人不怕猩猩罵

又前題

膏膩孤鐙花藥褪寒灰漸縮霜紋印坐待一絲紅影燼眠  
不穩梅花夢也無憑準  
十九年來蘊蓄盡歸鴻望斷長  
安信莫歎蘇卿霜染鬢渠非困多他一倍還添悶

訴衷情近

秋望

遙天一碧回望西飛白鳥乍臨鏡水搖空又嚮蓮峰弄影  
風起素光斜映薄袂蕭清悄覺涼襟迴  
雙眸炯今古寸  
心孤另亭臯一葉墜響楓林靜還重省閒愁元鳥歸遲幽  
緒藕花香冷夢到今宵永

金人捧露盤

和曾純甫春晚感舊韻

古松臺雙闕杳無踪憶潮平細浪溶溶龍舟渡馬依然先

帝玉花驄衝冠髮指旗揮星落血斬蛟紅  
怨蒼梧班管淚沈白日瘴雲中更背飛孤影飄蓬  
今生過也魂歸朱邱舊離宮苔殘碧瓦鴛鴦碎  
蔓草春風

幕山溪

聽雨

閒拋數點似灑無情淚一晌悄無聲儘教疑輕狂調戲山  
溪幕度更不許人猜渾似醉全無謂濫簸銀河水  
空膩無力支天墜荷蓋小亭亭應難畱得琉璃脆孤燈昏  
閃瘦影未分明愁不寐情誰繫夢也心魂碎

八六子

花朝夜窗中見月

盪春寒一輪娟娟初上煙暖雲柔柰鐙穗影含金粟藥釭

聲泣寒蟄淒然似秋 無端還與綢繆幾線疏櫺界破半  
襟白袷光浮想溪外梅花低垂瘦影斜窺流水香魂欲絕  
應共我遙嚮素娥寫怨青天碧海悠悠不禁愁滅鐙擁衾  
去休

滿江紅 直述

淚冷金人渭城遠酸風痛哭君莫笑癡狂不醒口如布穀  
墮地分明成良兌通身渾是乾坤肉耿耿雙眸黑白不模糊  
分碁局 千鍾粟誰家粟黃金屋誰家屋任錦心繡口難  
忘題目爲問鶴歸華表後何人更唱還鄉曲把甲辰堯紀  
到如今從頭讀



又寫怨

離亭人散折不了柳絲垂綠儘桃花飛盡故枝綠終難續  
鴈影更沈湘岸月鷗弦誰奏燕臺築只空山剩得老青衰  
掘黃獨汗青照文山福紫芝采商山祿但荒草侵階脩  
藤覆屋井底血函空鄭重知音誰與挑鐙讀問杜鵑何日  
血啼乾商陸熟

又

家兄傾背後諸君見慰重疊恤其哀病有踰量之  
獎含淚作此答之

丁甯千遍教綰住一枝飛絮奈伶仃孤燕歸來黃昏自語  
縱使長條堪繫馬栖鷗風冷斜陽暮問前時流水遶桃花  
今何處漚已散難重聚鏡已破難重覷聽子規喚道不

如歸去他日天台花再發人間自有劉郎遇便癡迷蝶夢  
不教醒終無起

掃地花

憶舊

微霜碾玉記日射簷光小窗初透夜寒深否問素羅新裁  
熨須銅斗閒攬書帷笑指硯冰蹙皺香篝有黃熟篆銷芳  
膏結紐自惹閒愁後對蓮嶽雲壓苔潭珠濺鱸煙孤瘦  
歎渺渺京華不堪回首碧海人歸雄劍誰憐孤吼空凝望  
遶湘流暮雲荒岫

水調歌頭

驚夢

昨夜喧雷雨一枕血潮奔千紅萬紫撩亂浪喚作芳春大

抵白蜺嬰第更有玉蟾偷藥驀爾弄精魂寶劍在儂手閃  
霍動乾坤 儘今生梨花雨打黃昏厯厯悄悄山寺鐘聲  
曙色分待我鐵眉刷翠罩下金睛點漆彈指轉晶輪十里  
杏花發人道是祥雲

燭影搖紅

十月十九日

瑞靄金臺瓊枝光射龍樓雪羣僊笑指九閭開朱鳳翔丹  
穴雲暗鴈風高揭向海屋重標珠闕彩鷗飛舞日暖霜輕  
小春佳節 迢遞誰知碧雞影裏催啼鵲驂鸞不待玉京  
遊難挽瑤池轍黃竹歌聲悲咽望翠瓦雙鴛翼折金莖露  
冷幾處啼烏橋山夜月

雙雙燕

除夕憶家兄

荒山百里想殘雪初晴應同消受莫還似我祇共寒鑪相  
守重疊山河冷淚更更夢對團團春晝讀書帷裏華鐙獻壽  
堂前椒酒 率負當年人說道僊苑芝英一時三秀山移  
海涸別是人間花柳還聽金雞玉漏怕天也妬人長久但  
念今夕相憐莫問明年健否

解語花

鴛鴦梅

羅浮月下豆蔻胎中許結同心侶漸啓朱唇含淺笑不倩  
綠衣歌舞喧風疎雨紅袖斂芳心自吐一雙雙永不分離  
何事還含醋 照影銀塘低覷向香泥玉藕暗中增妬彩

禽欲唼還應惜自趁桃波飛去綠陰深處儘拋與多情細  
數不差池三十六雙作宜男繡譜

綺羅香

讀邵康節遺事屬續之際聞戶外人語驚問  
所語云何且日我道復了幽州聲息如絲俄  
頃逝矣有感而作

流水平橋一聲杜宇早怕維陽春暮楊柳梧桐舊夢了無  
尋處拚午醉日轉花梢夜闌風吹芳樹到更殘月落西峰  
泠然胡蝶忘歸路關心一絲別望欲挽銀河水仙槎遙  
渡萬里閒愁長怨迷離煙霧任老眼月窟幽尋更無人花  
前低訴君知否鴈字雲沈難寫傷心句

薄倖

午睡覺問渠

當年是你兜攬下箇儂來此更不與分明道止竟如何安  
置但隨流蕩漾雲痕歸鴻水底成人字便俐齒嚼空金睛  
出火都則不關渠事但惜取剎那頃忍不得秋瓜藤墜  
逗殺人爲霜禁冷爲風禁淚鎮柳絲輕擺搖春水到驢頭  
垂杪半酣不保難驅使無端薄倖付與烏鳶蠅蟻

望梅

憶舊

如今風味在東風微劣片紅初墜早已知疎柳垂絲綰不  
住春光斜陽煙際漫倩游絲邀取定巢燕子更空梁泥落  
竹影梢空纔栖還起闌干帶愁重倚又蛺蝶粘衣粉痕  
深漬撥不開也似難忘柰暝色催人孤鐙結藥夢鎖寒帷

數盡題愁錦字當年醞就萬斛送春殘淚

沁園春

翠濤六表每句戲用彩色字

步碧蘿灣尋紫芝英壽翠濤翁忽逢赤松子赴青女約染  
千樹綠作小春紅微啓朱唇笑余白髮黍米丹砂豈未逢  
若會得則翠濤偕爾穩住絳雲中蔚藍天色清空但淨  
洗黃塵卽闔蓬看漫天黑瘴徒然黥黠當頭皁帽自許從  
容素書宵授元文密印彤雲原自護雛龍憑寄語展雙眉  
黛鎖霜老蒼松

賀新郎

寒食寫怨

綿上飛鳥恨更龍蛇追隨四海一時驚散回首五雲金粟

地不見玉驄珠汗但撲地蒼煙撩亂酒冷餠香休道也夢  
石泉槐火成虛幻棠杜雨離腸斷 嶽雲回望蓮花巘儘  
淒涼延陵十字難酬幽願昨歲杯漿澆淚後拚付寒蟬莎  
館正夜雨松杉綠滿一逕蒼苔行迹杳想鵲鵲夜哭颺颺  
竄寸草盡春暉短



鼓棹集終

瀟湘怨詞

夕堂戲墨卷七

船山遺書六十二

衡陽王夫之撰

瀟湘小八景詞

寄調摸魚兒

國初瞿宗吉詠西湖景數辛稼軒君莫舞君不見  
玉環飛燕皆塵土體詞意淒絕乃宗吉時當西子  
湖洗會稽之耻苧蘿人得所託矣固不宜怨者乙  
未春余寓形晉甯山中聊取其體仍寄調摸魚兒  
詠瀟湘小八景水碧沙明二十五絃之怨當有過  
者閱今十年矣披破篋得之亦了不異初意深山  
春盡花落鵲啼乃不敢重吟此曲乙巳上巳茱萸

塘記

其一

鴈峰  
烟雨

插青天俯臨圖畫一壁翠光欲滴炎風吹斷陽禽影認得  
孤峰回翼如相識記寒聲蕭蕭咽盡霜華夕望中何極儘  
簾壓千絲窗飛一縷垂幕籠輕碧回首處猶記當時蹤  
跡危亭斜倚南陌滿城春滑笙歌膩消盡銀缸夜色君莫  
惜君不見黃沙漢使無消息秦關坐隔聽沙岸殘更野塘  
曉陣總似三生箇

其二

石鼓  
江山

瞰蒸湘曲影雙清流下洞庭秋遠危崖突兀玉峰寒界破

蒼流一線誰許見只飲宮金繩夜擁魚龍怨畫船歌扇對  
笑水江花窺樓暈月愁盡流霞片行樂地記取韶光迅  
轉畫闌彩筆題徧雲杳瀟湘千頃碧瞥眼武陵溪畔君莫  
羨君不見漁陽搥斷霓裳謾滄桑已變想眉黛嬌青眼波  
凝綠不是舊時面

其三

東洲  
桃浪

剪中流白蘋芳草燕尾江分南浦盈盈待學春花靨人面  
年年如故留春住笑浮萍輕狂舊寢迷殘絮棠橈無數儘  
泛月蓮舒留仙裙在載取春歸去佳麗地仙院迢遙烟  
霧溼香飛上丹戶醺壇珠斗疎鐙映共作一天花雨君莫

訴君不見桃根已失江南渡風狂雨妬便萬點落英幾灣  
流水不是避秦路

其四

西湖荷花

淺平塘綠錢初展正是乳鴉啼後桃尖漸放朱霞暈芳惹  
遊鞭征袖真如繡點波紋紅綃青幃團絨皺田田歌奏問  
芡葍尋蓮紫綵覓藕幾許多情逗莫浪語西子湖頭難  
又錦屏十里香透繁華滿目江南夢約略送愁時候君莫  
喚君不見清香銷盡酸風瘦秋容如舊只莎草吟蠶蓼花  
飛鷗露冷金瓶驟

其五

花藥春溪

啟琳宮暝回溪畔江南共道春早桃花新雨溶溶後誰把  
瓊漿釀造壺天老正望中茶烟幾線縈僧棹燕泥香掃快  
翠泛銅瓶膏凝玉瓊魚眼調香腦添勝蹟百道奔泉迴  
抱暗縈綠荇芳藻泠泠碎玉夜聲中花院晨鐘輕搗君莫  
惱君不見玉簪落盡瑤京道王孫芳草縱百丈絡繹萬條  
羅帶難繫春光好

其六

岳亭  
雪嶺

翠屏遙眉橫七二空青一派如灑閑登危榭憑闌眎垂蘿  
同雲覆野銀河瀉道飛來楊花玉樹都疑假望迷鴛瓦興  
朱鄭問酒擁銷金茶烹鳳乳若個償春價賞心事不在陵

酒旗歌社梅痕暗偷萼猶凍髭笑指祝融君故騎火龍未  
下君莫惹君不見胡沙似雪催征馬笳聲怨也把塞北冰  
天江南春色都付漁樵話

其七

朱陵  
仙洞

向蒼崖邃聲吹裂斜陽一片危岸江流北瀉鴈南征洞裏  
春光無算星燦爛都應是雲中劍舞珠光按花蹊基館留  
滿地蒼苔數峰烟樹擲與人間看仙戶啟石乳倒垂銀  
蒜空山翠杳天半百花橋阻玉壺遠誰倩鴛鴦低喚君莫  
歎君不見彤雲故鎖三山斷罡風吹散想華表鶴歸天台  
人返怕見人民換

其八

青草漁翁

截流漸飛虹側挂長空流月孤影斜收返照蔚藍天蘋末  
一江風冷更漏靜罷鳴榔停橈沙紫星光耿疎鐙夜永似  
說向人間流光易謝夜燭遊須秉歌舞罷追賞良宜此  
景木蘭牽動綠荇樵青唱闌斗參橫殘月又斜西嶺君莫  
省君不見蘆中人老成萍梗載愁舴艋向牛飲溪邊羊裘  
灘上別把絲綸整

瀟湘大八景詞

寄調摸魚兒

情者非有區宇者也有  
一可易情之區移係侘而  
昭蘇之何爲懷此都哉  
余歌小八景來十六年矣



雲中眇眇北渚愁予九嶷修眉烟秋不展望里盈  
千目飛無寄續歌爰九魂授尤勤惘張樂之簫鐘  
哀琴在御追淚筠之粉翠香酒忘尊然則迷不一  
方思橫三楚固其所矣重吟大八景詞複用瞿辛  
原體旌初志也雖然北逾冥阨南度秦城西望兩  
雲之浦東臨日夜之江豈但此哉而祇以寄情於  
畔岸耶行且怨紫塞之歸禽喧蒼山之弔鳥於斯  
始矣

其一

滿湖  
夜雨

望九疑  
爐烟飛黛遠送元雲千里斜陽楓岸平沈後木末

驚飈拂水蘭舟艤薦新涼銀缸影顫蓬聲起推窗閒盼看  
幅幅輕綃層層珠瀑駘空青裏清絕地故是蕙汀蘭  
汴淺碧舊含芳藥朝來潤浥靈苗發共載天香雲髓君莫  
擬君不見楚騷歌闕蘭蘅死靈修邈矣怕碎玉鏤錚金鈴  
淋瀝吹入愁人耳

其二

洞庭秋月

展平湖一片玻璃何處天圍四野金風輕捲千波雪陣陣  
落暉低亞真瀟灑漸西晶連天接住東光射冰輪上也見  
鏡吸空明練飛霜影一邊清無罅凭檻處百尺麗譙飛  
榭玉樓閃冉光乍清魂搖曳渾無定靈肉欲隨羽化君莫

詫君不見南來猿鶴悲清夜天孤月寡歎吹笛王孫朗吟  
仙客倦理雲駟駕

其三

平沙落鴈

問陽禽北發天山尺帛爲誰長繫當年不作關山怨但愛  
江南佳麗秋無際擁長汀銀膏玉屑堆光膩橫空如砌宛  
一抹修眉千行淡墨欲墜還容曳菰米熟千頃元珠豐  
脆何須更尋歸計丹楓染紫蘋花白飛舞一江清霽君莫  
睇君不見三更月落催哀唳春光無蒂蚤炎炤燐空狂瀉  
拍岸羽駕何方稅

其四

遠浦歸帆

接長江西上三巴東下海門萬里高樓思婦天涯寢昨日  
金錢送喜春歸矣倩啼鶯遙催綵鷁乘風起危闌閒倚望  
碧浪參天斜陽低樹片影浮空水相認處青練雙飛旗  
尾夕風吹送旖旎銀缸對照江樓眼收拾寄愁蠲紙君莫  
盼君不見征人已老蘭舟委艤艫浪起儘大帽白衣攤錢  
打鼓不向湘臯艤

其五

漁村夕照

捲殘虹隔岸蘆梢低挂一團蘋玉紫金光聚明霞閃雪洗  
鷺飛鷗浴江一曲舞輕橈楸頭車子相隨逐荻灣六六聽  
短笛橫吹棹歌遙答共趁沙汀宿投竿處牽動綃金波

蹙減珠懸灑紅粟。瞋空欲歛西清色。一派炊烟凝綠君莫  
矚。君不見羲輪無繫西流速。雲昏極目聽哀鴈。啼更孤蓬  
打雨難擬明朝旭。

其六

山市晴嵐

俯江潄灘臨危磴。屏擁青蓉回抱小橋流水平田迴綠浪  
風生畦稻當時昊散溪雲輕鬆一抹飛烟巧青帘繚繞有  
白笋黃魚紅蝦綠酒裝點旗亭好。蘭舟泊正及江南春  
早。玉山何惜傾倒桃花留客紅垂暈。暮靄輕綃籠罩君莫  
惱。君不見鮫人蜃客迷三島。韶華易老但棠杜花邊鷓鴣  
聲裏瘴雨迷衰草。

其七

山寺晚鐘

轉汀洲回巒斜擁曲徑松杉堆黛落帆人語寒潭靜旂影  
風搖星彩涵輕靄淅淅潮聲魚首梵唄喧金界霜林驚籟更  
百八綿連嚕吟巽發流響空青內深院鎖誰放鯨吟出  
海澄江歎騰澎湃喚回客牕清宵永寂歷閒心如灑君莫  
駭君不見景陽舊恨臺城改佛鐙綠鬘共翠堵鈴鳴相輪  
鐸語長夜悲興敗

其八

江天暮雪

舞簾纖不知是雪還是沙明波素同雲返映晶光凝暝色  
遙籠烟樹雙無據顛寒空微霽極浦相回互蘆洲古渡有

孤艇篷窗挑鐙酌酒唱徹梁園句 知此夕一派瑤峰玉  
宇朦朧半函銀兔清暉的皪蛟冰養疑是東方已曙君莫  
覩君不見迴波難挽流澌住珠摧玉仆向帝女祠東昭王  
潭北直下長江去

瀟湘十景詞

寄調蝶戀花

瀟湘八景不知始誰差遣唯洞庭月瀟湘雨耳他  
皆江南五千里所普攝也湖南清絕地萬古一長  
嗟杜陵游蹟十七於神州而期茲萬古豈徒然哉  
瀟水出自營浦西北流五百里而得湘湘水出興  
安之海陽山與灘背流既合於瀟北流千二百里

至巴陵北大江自西來注之然後瀟湘之名釋而  
從江此千五百里間穀波繡壁楓岸荻洲清絕之  
名於斯慙矣蹟不勝探探其尤者得十景焉情物  
各有因緣歸宿不迷於萬古視諸帆鴈嵐雪悠悠  
無擇地者不猶賢乎僕雅欲爲此詞不知何以未  
暇歌八景後驅筆獵之吟際習爲哀響不能作和  
媚之音應節爲湘靈起舞曰非我也有臣妾我者  
存也

其一

舜嶺雲峰 瀟水

自江華西北流至瀘遠九疑  
藏其半嶺飛雨流淙入瀟水

中



九嶺參差無定影，淚竹陰森迴合青。溪冷一片綠烟天際，  
迴迷離千里寒宵暝。香雨飛來添碧凝，認是當年望斷，  
蒼梧恨東下黃陵，知遠近西崦落日回波映。

其二

香塘綠水 湘水經東安縣東有沈香塘石壁  
鐫插一株云是沈水香澄潭清冷綠蘿倒影

湘水自分灘水下，曲曲潺湲千里飛哀瀉。冰玉半灣塵不  
惹，停凝欲挽東流駕。百尺危崖誰羽化，一捻殘香拈插，  
莓苔罅憶自尋香人去也。寒原夕燒悲餘地。

其三

朝陽旭影 在零陵縣瀟水側去鉅錡潭  
愚溪不遠北十里爲湘口是瀟湘合處

瑤草難尋仙苑道，洞裏春生一霎韶光好。圓牖龍蔥迎始，  
照天涯一點紅輪小。無那雲端迷海嶠，斷送金烏闕損。

飛光倒縱有晶熒開霽昊斜陽又被寒烟罩

其四

涪溪蒼壁公中興頌于

在祁陽縣北元次山勸顏魯崖壁苔光水影靜目愉心

誰倚磨崖題彩筆記得中興仙李蟬根密萬里湘天開白

日晶光長射蛟龍室

欲汎扁舟尋往迹路隔丹梯水弱

罡風疾日暮湘靈空鼓瑟猿聲偏向蒼灣出

其五

石鼓危崖北二水滙流

在衡陽縣潭空崖古

蒸水東流湘水北一曲滄浪映帶青山色舊是朱陵仙洞

客鶴歸不向烏衣國

江樹迷離潭影側畫檻筠簾夢斷

春消息擊鼓馮夷尋未得饒龍怪舞雲生墨

其六

嶽峰遠碧潭南六十里

自衡陽北三十里至湘嶽峰淺碧宛轉入望

見說隨帆瞻九面碧藕花開朶朶波心現曉日漸飛金碧  
顛晶光返射湘江練誰遣迷雲生絕巘蒼水仙蹤霧鎖  
靈文篆帝女修眉愁不展深深未許人間見

其七

昭山孤翠去湘潭縣三

一峰矗立江次北十里下爲暮雲灘

日落天低湘岸杳迎目龍蔥獨立蒼峰小道是昭王南狩  
道空潭流怨波光裊綠影寒澄春放棹記得當年淥水  
歌年少明月南枝烏鵲遠登樓何處依劉表

其八

銅官戌火岸水香生於

銅官浦在長沙北三十里蕭汀遠如夜漁燈戌火依微暮色間如寒

星映水

打鼓津頭知野戍萬里歸舟認得雲中樹日落長沙春已

暮寒烟獵火中原路 何處停橈深夜語江黑雲昏莫向

天涯去舊是杜陵飄泊處登山臨水傷心句

其九

湘灣曲岸 湘陰縣北三十六灣云見馬殷所開紫回清澈出此卽漸次入青草湖李賓之詩

三十六灣對灣者是也

爲鎖湘流東下緩兩岸蘆梢片片蒲帆短寒水茫茫漁火  
亂唯應曲裏春風暝 萬古沅湘秋思滿六六灣頭綰住  
愁無算無那湖光都不管鼉風吹浪連天捲

其十

君山浮黛 湖光極目至君山始見一片青芙蓉浮玻璫影上自此出洞庭與江水合謝眺所

云大江流日夜客心悲未央者於焉始矣湖南清絕亦於此竟焉

渺渺扁舟天一瞬極目空清祇覺雲根近片影參差浮復

隱琉璃淨挂青螺印  
憶自嬴皇相借問堯女含嚔蘭珮  
悲荒燐淚竹千竿垂紫  
暈賓鴻不寄蒼梧信

瀟湘怨詞終